

固不退如是六年現作諸相亦無餘信解者更互得見所修禁戒所有別外修禁戒者見彼菩薩如是所修皆悉降伏寂慧菩薩於一切處所作所現悉住捨心離諸過失

復次寂慧菩薩如是修苦行時有六十四那便多天人於三乘中善根成熟寂慧當知有

諸天人具大信解作善業者彼見菩薩在寶樓閣中安庠而坐入阿塞頗那迦定受定中樂菩薩經六年已從定而起諸天人中有法欲者志求法者為彼成熟如應說法彼諸天人見是菩薩聞所說法悉無別異所作事業寂慧當知此名菩薩大智積集大悲方便解

丁九

六末

入不思議甚深理法降伏一切邪魔外道入苦行智清淨法門又復寂慧菩薩於六年中成辦如是所應示現極難行事過六年已往泥連河隨順世間澡沐作淨既沐身已住於岸側是時有一聚落中女其名善生搆以百牛成乳糜粥淨心捧持詣菩薩所而以上之

是時復有六十俱胝天龍夜叉乾闥婆阿修羅迦樓羅緊那羅摩睺羅伽等眾各各辦造上妙飲食持奉菩薩咸作是言惟願菩薩大士受我飲食惟願大士受我飲食寂慧是時菩薩最先受彼善生女人所施乳糜其彼六十俱胝天龍夜叉乾闥婆等所施飲食亦悉

受之互不相見各各皆謂菩薩受我所施飲食菩薩受已當證阿耨多羅三藐三菩提果菩薩普為所施諸眾成熟阿耨多羅三藐三菩提善根法故寂慧此即是為菩薩苦行超勝以受食緣成熟眾方便勝行

佛說如來不思議秘密大乘經卷第九

佛說如來不思議秘密大乘經卷第十

譯經藏朝散大夫試光祿卿光祿大夫賜紫尚書臣惟淨等奉 詔譯

菩薩詣菩提場品第十二

余時菩薩既澡沐已復受飲食身力充實即時往詣大菩提場到已告語善地天子并諸地居天子眾等說伽陀曰

丁十

一

任持大地不動搖
今此樹下證菩提
善哉地居天歡喜
廣散最上妙香花
所有堅手及持鬘
歡喜瞻仰菩薩尊

菩薩離愛斷害者
汝等莊嚴於此地
普徧清淨三千界
徧灑香水皆清淨
常憍天等至空居
散衆妙花伸供養

四護世天并衆會
徧三千界金網嚴
三千界中帝釋主
如廣勝殿天妙嚴
夜摩天衆咸欣悅
廣三千界寶珍奇

乃至一切四大洲
覆以供養人中勝
供養菩薩大威德
三千界嚴亦如是
覆琉璃網以嚴治
爲人中仙伸供養

兜率天衆咸欣悅
珠瓔其猶半月形
化樂天王并天衆
金網寶鐸出妙聲
諸有天中淨妙寶
他化自在天所嚴

布真珠網作嚴飾
復散真珠廣如雨
閻浮檀金爲寶網
徧三千界聞皆喜
無邊照耀淨光明
供養一切義無畏

所有龍及乾闥婆 摩睺羅伽修羅等
各於自宮廣莊嚴 及以妙嚴於欲界
復次寂慧是時大梵天王見是菩薩詣菩提
場殊勝相已即告一切梵衆天子言汝諸仁
者知是事不今此菩薩摩訶薩於大誓願廣
大甲冑而不棄捨復於堅固甲冑無懈退意

能善成辦諸菩薩行修諸波羅密多善住彼
岸於一切菩薩地中善得自在一切菩薩意
樂悉能清淨復善通達一切衆生種種根性
深入一切如來祕密分位諸魔業道已悉超
越於一切善根得不壞信諸佛威神共所建
立普示一切衆生正解脫道爲大導師摧破
一切魔外境界三千大千界中一勇猛尊積
集法藥爲大醫王覆以解脫繒帛爲大法王
放大慧光建大法幢世間八法皆不能染真
實清淨大蓮花生於一切法總持無忘大海
出生離諸增損不動不搖如須彌山妙善無
垢妙善清淨自淨妙慧大摩尼寶之所出生

一切法中而得無礙大梵所生心業調暢具
 如是等功德菩薩今詣大菩提場欲證阿耨
 多羅三藐三菩提果降諸魔軍為令圓滿如
 來十力四無所畏十八不共佛法普為一切
 轉大法輪作獅子吼於諸衆生廣行法施令
 諸衆生法眼清淨以其正法攝伏一切邪異
 外論為欲圓滿往昔誓願為欲親近諸佛世
 尊於諸法中得富饒自在汝諸仁者當發勤
 勇之心於菩薩所親近供養

時大梵天王以清淨心復告一切梵衆天子
 言諸仁者今此菩薩於多百千劫中精修禁
 戒是即最上清淨大士今詣大菩提場將成

正覺汝等宜應於一切三千大千世界廣作
 殊妙莊嚴等事

今時大梵天王說伽陀曰

清淨大士戒決定 廣為人天作利益
 人中天俱天中天 詣菩提場大寂默
 降伏一切魔軍衆 一切智智真覺了

一切佛法悉圓明 轉正法輪行利樂
 大智一振師子吼 一切衆生聞皆喜
 令開法眼清淨因 人中尊詣菩提樹
 邪異外論皆攝伏 往昔誓願悉周圓
 正覺事業現今成 人中尊詣菩提樹
 善哉和合皆專志 普徧地方作莊嚴

丁十

三

三千大千世界中 普見莊嚴於欲界
 如其欲界所嚴事 色界莊嚴亦復然
 善哉梵衆清淨心 廣作莊嚴三千界
 欲界所現供養事 上界亦現諸供養
 徧散取上妙香花 寶嚴衆樂皆吹擊
 三千世界諸天衆 見聞欣躍伸敬禮

乃至色究竟天中 各各自宮廣嚴飾
 上中復上勝中勝 普現莊嚴衆天宮
 天女六十百俱胝 建菩提場金剛座
 一切徧灑於香水 復散種種微妙花
 徧列衆寶此地方 大菩提場廣嚴好
 語不能讚諸功德 此有無量種莊嚴

大士決定戒精修
將詣菩提樹王下
一切和合聖者行
天人中尊法自在
梵眾間彼人中尊
妙花寶幢作嚴事
世間善利大威德
降伏魔軍諸惡慧
廣作三千界嚴飾
供養彼得無邊福
殊妙莊嚴三千界
變化世界寶所成

俱胝妙蓋化空中
娑羅樹花眾取上
大仙循道歡喜行
寶成金蓮花密覆
帝釋天主作莊嚴
如忉利天廣勝殿
如日月光極嚴麗
化現悉如歡喜園
變化莊嚴七車量
七重界道而圍繞
人天希有昔未見
四大洲嚴亦復然

夜摩兜率化樂天
勇發勤力皆迅疾
如欲界中勝莊嚴
於剎那間皆化現
四方天女數俱胝
塗香末香眾妙花
他化嚴同色究竟
共嚴最上菩提場
天龍等眾亦如是
菩薩於中所行詣
詣菩提樹眾圍繞
一切處灑妙香水

大菩提樹本妙嚴
如忉利天園生樹
所有一切莊嚴事
語不能讚諸功德
那庾多數彼諸天
彼彼莊嚴皆殊妙
復次寂慧菩薩既至菩提場已始下雙足千
輻輪相按彼地時即有廣大光明出現是光
普照一切地獄傍生餓鬼趣中諸眾類蒙

光照燭所受諸苦暫得停息迦黎迦龍王宮
中大光普照
爾時迦黎迦龍王見是菩薩光明照已心生
歡喜踊躍慶快即時為彼自宮眷屬及諸龍
眾說伽陀曰
如金色光極晃曜
大明照我龍王宮

我蒙光照適其身
亦復心生大歡喜
如我於彼先佛所
昔曾見此瑞光明
而今所覩定無疑
佛大無畏當出世
汝等各持妙香花
塗香末香花鬘等
真金及彼摩尼珠
以為瓔珞并上服
復持種種妙樂具
珠寶所嚴眾幡蓋

及寶所成妙高幢 為人天師伸供養
 所有龍王妙宮殿 廣大莊嚴悉清淨
 汝等應生歡喜心 皆同親詣於佛所
 尔時迦黎迦龍王與自宮人眷屬并諸龍眾
 各持種種上妙香花衣服幢蓋及眾樂具鼓
 吹歌音上踊空中香水如雲徧灑一切復雨

龍花龍真珠等如是廣以龍王威神龍王通
 力現諸化事詣菩薩所到已即時與諸眷屬
 禮菩薩足鼓妙音樂虔伸供養作供養已是
 時龍王右繞而住說妙伽陀伸讚歎曰

人中尊放大光明 普照一切佛刹土
 刹那惡趣苦皆停 我等龍宮俱照耀

丁十

五

龍眾蒙光照燭已 咸生歡喜作是言
 菩薩成佛定無疑 金色光明乃如是
 有那庾多龍女眾 恭敬捧持妙香花
 及勝衣服眾幡幢 詣菩薩所伸供養
 今此地方花蓋等 一切殊妙廣莊嚴
 又復藥草諸樹林 低垂悉向菩提樹

江河停流而寂靜 風止搖擊悉安然
 菩薩今日證菩提 世間最勝降魔者
 梵王帝釋諸光明 日月光等悉映蔽
 蒙光照者得清涼 佛出世故咸歡喜
 復有諸妙吉祥瓶 右旋宛轉在空中
 仙眾龍眾等居空 右旋其狀亦如是

世間若天若人等 各各至誠伸供養
 菩薩今日證菩提 為求慧者開正道
 我等今日於佛所 增益威光得善利
 我昔供養拘留孫 及迦諾迦大聖主
 迦葉取上人中勝 乃至今供釋迦仙
 此求菩提大神通 最勝希有昔未見

具德取上人中尊 出大梵音獅子吼
 堅求菩提決定心 是心超勝無比等
 而彼日月可墮落 須彌山王可破壞
 今日不圓十力尊 世間無復有是處
 復次寂慧時迦黎迦龍王上首之妃名曰金
 光與諸龍女恭敬圍繞持以種種殊妙寶蓋

種種妙衣及天花曼種種巧嚴真珠瓔珞種種上妙摩尼珠寶及彼種種衆妙香瓶奏妙歌音詣菩薩所到已禮敬散諸寶花而伸供養住菩薩前說伽陀曰

心無動亂無恐畏 無貪無瞋亦無癡
能調難調無染尊 能離諸惡無所著

我今頂禮淨解脫 大仙拔除諸疑箭
以大智光破無明 能度世間諸苦惱
世間無依無救者 菩薩善爲作依救
光明普照三界中 天人歡喜心清淨
空中徧雨衆妙花 及散妙衣廣嚴飾
如是勝相我所知 今日大仙成正覺

丁十

六

勝者勇詣菩提樹 降伏諸魔無染尊
煩惱黑闇網蠲除 證大菩提心寂靜
汝經多俱胝劫中 於先佛所求菩提
難行能行爲世間 今時圓滿勝意樂
復次寂慧爾時菩薩將成正覺有諸賢聖以
威神力而爲警發即時有一刈草之人名曰

吉祥自然住立菩薩之右持以淨草是草柔
輒如孔雀項復如迦左隣那衣色香具足一
一右旋時刈草人即持其草詣菩薩前奉上
菩薩深發最勝阿耨多羅三藐三菩提心
復次寂慧彼時吉祥刈草人者以宿願深固
昔發願言願我悉於賢劫之中諸菩薩衆成

正覺所大菩提場皆布淨草何以故寂慧我
念過去於此賢劫之前九十一劫中有佛出
世號毗婆尸如來應供正等正覺明行足善
逝世間解無上士調御丈夫天人師佛世尊
彼佛法中圓滿一千大菩薩衆修持梵行時
彼世尊爲賢劫中諸大菩薩授阿耨多羅三
藐三菩提記是時有一長者名曰具慧在本
會中聞彼世尊授諸菩薩菩提記已即發阿
耨多羅三藐三菩提心時彼長者發是願言
願我於此賢劫諸佛如來菩提場中悉布勝
妙師子之座或施淨草寂慧當知無復疑念
彼時具慧長者豈異人乎即是釋迦菩薩成

丁十

七

正覺時奉淨草者吉祥刈草之人以是緣故
 汝今應知彼吉祥刈草之人隨宿願力於諸
 佛所或施淨草或布妙好師子之座隨諸眾
 生信解智力善根成熟其事如是
 復次寂慧是時菩薩既至菩提樹已彼菩提
 樹神及十千天女皆悉捧持諸上妙花及塗

香等詣菩薩前各以所持諸妙香花用散供
 養各各頭面禮菩薩足異口同音說伽陀曰

歸命威德大無畏 善寂善調破諸惡
 離過勇猛大威光 清淨導師無染者
 能救無依諸苦惱 唯一聖尊施諸樂
 世間煩惱病能除 為大醫王普救療

歸命清淨大名稱 天歡喜散花如雨
 決定今速證菩提 起大慈心攝一切
 往詣樹王登勝座 摧破一切諸魔闇
 覺悟寂靜證菩提 亦如先佛所證悟
 俱胝劫修清淨行 難作能作利世間
 大仙意樂今已圓 安坐樹王成正覺

復次寂慧是時菩薩持以淨草詣菩提場到
 已即於金剛座上自布其草然後乃向菩提
 樹王恭敬頂禮右繞七匝菩薩布草之後是
 時即有八萬四千天子持以八萬四千妙好
 莊嚴師子之座奉上菩薩其座高廣嚴好殊
 麗眾寶莊飾覆以寶網及真珠網復垂珠瓔

而為交絳妙巧施設無數百千上妙衣服菩
 薩亦時即現其身各各安處八萬四千師子
 座上彼諸天子互不相見皆謂菩薩在我所
 施師子座中菩薩坐已成證阿耨多羅三藐
 三菩提果是諸天子咸生歡喜清淨之心皆
 悉不退轉於阿耨多羅三藐三菩提

佛說如來不思議秘密大乘經卷第十